



Газет 2001-йисан  
ноябрдилаай акъатзава

# Эренлардин СЕС

*РД-дин Докъузпара райондин общественно-политический газет.  
Общественно-политическая газета Докузпаринского района РД.*

№18 (895) 1-май, арбе, 2019-йис. Газетдин са экз. къимет киоскрай - 10 манат

## Квез, Гатфарин ва Зегъметдин сувар мубаракрай!

Гъурметлу докъузпаравияр! Цийи вахтун и сувар цийи манатив ашурзава. ИкI ятIани ам чун патал цийи хъувунин, экуь умудрин, саналди хъунин, инсанриз дериндай гъурмет авунин, райондин агъвал, инсанрин дуланажагъ хкажунин рекъе чIугвазвай намуслу зегъмет я. Саналди тир ва умуми мурадар паталди чIугвазвай зегъметдилаи чи къенин югъ ва гележег аслу я, лайихлувилелди зегъмет чIугун, ислягъвилелди ва рейсавдилелди яшамини хъун - вири агалкъунрин бине я. И суварин юкъуз зегъметдин ветеранриз сагърай лугъуз кIанзава. Абурун алахъунри ва зегъметдин нетижайри чи район виликди финиз таъсирна. Къе абурун чешне давамарзавайбуруз чухсагъул! Саналди хъайила, са мурадихъ чIугурла, чавай гъялиз тежедай муракаб месэла амукъдач.

Заз квехъ, виридахъ мегъкем сагъламвал, уьмуьрда бахтар ва зегъметда агалкъунар хъана кIанзава. Къуй суварин гуьгъуьри куь шадвилер эксик тавурай!

**А.М. АЛИСКЕРОВ, «Докъузпара район» МР-дин Къил**



**АНТИТЕРРОР**

## «Элкъвей стол» тешкилна



«Докъузпара район» МР-дин администрациядин дараматда «Интернет» сетда терроризмдин ва экстремизмдин таблигъатдин аксина кардик кутунвай «Элкъвей стол» тешкилна. Ам райондин Къил Абдурагъим Алискерован регъбервилик кваз къиле фена.

И форматда Россиядин ФСБ-дин Погрануправленидин векилри, Докъузпара райондин Собранидин председатель Абас Абасова, райадминистрациядин Къилин



заместителри, райондин школайрин муаллимри ва аялри иштиракна.

Экстремизм – алай девирда жемиятдин лап члехи месэла я. Адан аксина зурба куватар желбнава. ИкI ятлани фагум, кьатлунар ачух тахьанвай ругулар, жегьилар а радикалистрин жергейриз гьахьзава.

ФСБ–дин векилри аялриз экстремизмдин жуьрейрикай ва терефрикай суьгьбетна. Абуру аялриз диде–бубайрин меслятриз яб

гун, ислягь рекье гьатун, зегьметдиз кьуллугь авун, яратмишунрин рекье хьунин чешнеяр кьалурна.

Кьаршида акьвазнавай Члехи Гьалибвили 74-йисан суварни рикIел гьана, и лишанлу югь тебрикна. Райадминистрацидин кьилин заместитель Кьазихан Мегьединова гьар са аялдиз терроризмдикай, экстремизмдикай чирвилер хьун важиблу яз гьисабна. Ада абур фад таьсирдик акатдай

линдин экстремизмдикай хуьн патал фикирар лагьана.

Чи районэгьлийрикай 17 кас федеральный розыскда авайдакай хабар гана. Ада аялривай «Итернетдин» сетра кьил сух тавун, акьул рагьулар тавун, сабурлувилиз кьуллугь авун, инсанвилин рекье хьун истемишна.

Чи мухбир

27-апрель - Виридуьньядин ветврачрин югь

## Сагьламвилин серенжемар кьиле тухузва

(Интервью)

И йикъан макьсад сеbeb яз ва гьакIни Докьузпара районда ветеринарни чпин кIвалах гьикI кьиле тухузватIа, чирун патал зун и мукьвара Докьузпара райондин ветеринарный управленидин начальник, Дагьустан республикадин лайихлу ветеринарный врач Жалалов Кьурбан Жалаловичахь галаз гуьруьшмиш хьана.


**-Кьурбан Жалалович, райондин хуьрера шумуд ветеринарный пешекарди кIвалахзава? Абур райондин вири хуьрерин агьалийрин хьуси секторда хуьзвай гьайванар ахтармишиз агакьзавани?**

-Вири санлай кьачурла, райондин 8 участокда 18 ветеринарный духтурди кIвалах кьиле тухузва. Абур вири гьайванрин кьадарриз килигна, агакьдайвал, тайинарнава.

**-Жемьатди хуьзвай гьайванрик азарар галукь тавун патахьай куьне гьихьтин серенжемар кьабулзава?**

-Гьар йисуз ветеринарный духтурар, райондин гьар са хуьре авай, гьайванар хуьзвай иесидин кIвалел физ, абуру гьайванар сагьардай ва азаррин вилик пад кьадай вакцинадин рапар язава.

**-Заз аквазвайвал, районда гьайванриз рапар ядай вахт алуькьнава, исятда куьне язавай рапар гьихьтин азаррикай хуьзвайбур я? Абур куьне вири**



**гьайванриз яна акьалтIарнавани?**

-Абур сибирдин язвадин, дабакьдин, эмкардин ва пастереллездин аксина язавай рапар я. Идалай гьейри, ивидин анализарни кьачузва. Алай вахтунда райондин са пай гьайванриз и рапар янава ва амай паюнизни хьяяда.

**-Гьайванриз язавай рапар пулсузди яни?**

-Дагьустан республикадин ветеринарный комитетдай кьезвай вакцинаяр яшур, сибирская язва, бруцеллез, браздуг, оспа, бешенство, грипп птиц, нодулярный дерматит-ибур вири пулсузди я. Гьайванрихь галукьзавай муькуь азаррин аксина дарманар пулдихь кьачуна кIан жезва.

**-Гьайванрихь чIуру азар галукьнаваз хьайитIа, ам гьикI чир жезва, кьез ам чкадал ахтармишдай шартIаравани?**

-Хуьрерин участокдин

ветеринарный пешекарри гьайванрилай ивияр пробиркайриз кьачуна, абур и чи патав гвай лабораториядиз бруцеллез ва лейкоз азарар кватIа, ахтармишиз гьизва. Эгер ибурукай са азар гьайвандик кваз хьайитIа, а гьайван иесидиз лагьана, тергзава. А вахтундани анал ветренарный пешекарди, хуьруьн администрациядай са работник галаз акт кхьена, дезинфекцияни тухузва.

**-Райондин хуьрера тукIваз, маса гузвай гьайванрин якIарал куьне гуьзчивал тухузвани?**

-Райондин центрада гьайванар тукIваз, маса гудай чкаяр тахьуниз килигна, иесийри чпиз кIан хьайи вахтунда гьайван тукIуна маса гузва, абурал чав гуьзчивал тухуз жезвач. Амай тIуьнар гьазурзавай чкайриз, месэла мектебриз, аялрин бахчайриз, якIар гьинай кьачузватIа, чаз чизва, чна абурал гуьзчивал тухузва.

**-Райондин ветеринарный управленидиз Дагьустан республикадин ветеринарный комитетдай герек кьадар дарманар ахьайзавани?**

-Сифте кьилелай, гьайванрик азар акат тавун патахьай язавай вакцинадин дарманар бес жедай кьадарда чаз ахьайзава. Муькуьбур лагьайтIа, азар акат авурдилай кьулухь язавай дарманар, бес жедай кьадарра аваз, гузвач. ГьакI хьайила,



азарлу гьайванрин иесияр, герек тир дарманар пул гана, абур къачуниз мажбур жезва.

**-Квез эхирдай райондин агъалийриз гъихьтин тГалабунар**

**ава?**

-Эхирдай за райондин жемятдивай тГалабзава: чпин гьайванриз сагъардай ва азаррин вилик пад къадай рапар вахтунда

ягъиз тун; эгер азар галукуьай гьайванар хъайитГ, тГалабзава вахтунда ветеринарный духтурриз хабар гун.

**Вадим АГЪАМУРАДОВ**

## ОБРАЗОВАНИЕ

# Илимдинни практикадин конференция кьиле фена

И мукъвара ЦИЙИ-Каракуьредин СОШ-да Докъузпара райондин гъвечИи классра келзавай аялрин арада «Илимдиз-сифте камар» тГвар алай илимдинни практикадин конференция кьиле фена.

Конкурс тухунин макъсад - аялрин къатГунрин, яратмишунрин ва ахтармишунрин рекъяй абуруз шартГар яратмишун ва итижар арадал гъун тир.

Аялри кхъизвай докладрин, макъалаяр чапнавай изданийрин гегъенш къатаривай илимдин сирер чирзава ва махсус бажарагъдиз рехъ ачухзава.

Конференция тГебии ва гуманитарный илимдин паюнай кьиле тухвана. Гуманитарный илимдай райондин вири мектебрин 7 гъвечИи классара келзавай аялди ва тГебии илимдай 19 аялди иштиракна.

К о н ф е р е н ц и я д и н иштиракчийрин проектрин кваллахриз кьимет гун патал, анал жюринни тешкилнавай. Жюридин дестедин председателар, Докъузпара райондин образованидин управленидин методистар Тамара Муллина ва Рафик Мегъамедханов тир, жюридин дестедик образованидин управленидин кьилин пешекар Осман Османов, ИМЦ-дин методист



Арбен Абдуллаев, гъвечИи классра тарсар тухузвай муаллимар Ильмира Закиева, Мукаил Мукайлов, Суьгъбет Агъасиева, Сияра Мусаибова квай. Жюридин членар конкурсда иштиракзавайбурун кваллахрин илимдин кьеметлувилиз ва маса ерийриз килигна, абуруз кьимет гана.

Гуманитарный илимдай сад лагъай чкайриз Усугъчайдин СОШ-дин кве ученица лайихлу хъана, Майина Усманова ва Таибат Кадырова, квед лагъай чка Мискискарин СОШ-дин ученица Амина Шамхаловади кьуна, пуд лагъай чка Каракуьредин СОШ-дин ученица Заира Адиловадиз хъана.

ТГебии илимдай сад лагъай

чкаяр Мискискарин ва Усугъчайдин СОШ-дин ученикар тир Мирзали Айдунбековаз ва Фейзуллагъ Шиховаз гана. Квед лагъай чкадиз Мискискарин СОШ-дин ученица Мегъри Гъафизова ва пуд лагъай чкадиз ЦИЙИ-Каракуьредин СОШ-дин ученик Къарабег Къарабеков лайихлу хъана.

Мярекатдин эхирдай лайихлу чкаяр хъайи конференциядин иштиракчийриз Докъузпара райондин администрациядин ИМЦ-дин патай грамотаярни гана.

**Вадим АГЪАМУРАДОВ**

## ОБРАЗОВАНИЕ

# Школьникрин арада «Президентвилин акъажунар» кьиле фена

Алай йисан 25-апрелдиз Усугъчайдин СОШ-да Докъузпара райондин школьникрин арада «Президентвилин акъажунар» тГвар алай Вирироссиядин спортдин

акъажунрин муниципальный этап кьиле фена.

Президентвилин акъажунар тухунин макъсад ам тир хьи, аялар спортдал ва физкультурадихъ


желбун, абурун сагъламвал мягъкемарун ва абурукай бажарагълу пагъливанар хкудун.

Кьиле фейи акъажунра Усугъчайдин, →

Мискискарин, Миграгъ-къазмайрин, Къалажухдин, Миграгърин, ЦШийи-Каракуьредин, Каракуьредин, Авадандин СОШ-рин 7-11-классра келзавай 64 аялди иштиракна.

Акъажунар 100 метрдиз чукурун (гадаяр ва рушар), 60 метрдиз чукурун (гадаяр ва рушар), турникдик ченейр хктурун (гадаяр), далудихъ ярх хъанвай жуьреда юкъ павуз хкажун, алай чкадилай яргъаз хкадарун (гадаяр ва рушар) номинацийрай тухвана.

Иштракчийрин гьунарриз къимет гун патал жюринни тешкилнавай. Жюридин дестедик Докъузпара райондин образованидин управленидин начальникдин заместитель Рижудин Шагъэмиров, УО-дин къилин пешекар Ремихан Саруханов, ИМЦ-дин методистар тир Арбен



Абдуллаев ва Аразхан Саруханов квай. Абуру вири командайрин арада киле фейи клеви женгинин агалкъунриз килигна сад лагъай чка Мискискарин СОШ-диз, къвед лагъай чка Усугъчайдин СОШ-диз ва пуд лагъай чкани Авадандин СОШ-

дин командайриз гана.

Сад лагъай чка къур Мискискарин СОШ-дин команди Мегъарамдхуьруьн районда киле фидай зональный этапда иштиракда.

Вадим АГЪАМУРАДОВ

## Райондин умуми бигер



27-апрелдиз, майдин сувар алукуьунин гунзарда, райадминистрациядин

кьуллугъчийри, адан къвалав гвай участок эЧелрикай, арадал атанвай тарарин чIарахрикай ва

зирзибилдикай миьна. Райадминистрациядин дараматда миьхивал туна, дараматдин гъаятда цуьквер ва къелемар цана. И теьгердин кIвалахар райондин вири хуьрера киле тухвана.

«Миьхивилин ва мешреблу къайдади чаз чи чин къалурдай мумкинвал гузва. И саягъда санал хъайила, чавай хийирлу крарик кыл кутаз, виликдинни физ жеда», - лагъана райондин Къили.

Ада бигердин иштиракчийриз чухсагъул малумарна.

Бигерда Докъузпара райондин яшайишдин кьуллугъдин, ПФР-дин ва агъалияр кIвалахдал желбдай центрдин кьуллугъчийри, вири санлай райондин 900 работникди иштиракна.

Чи мухбир

## Къагъриманриз хкажнавай гуьмбетар – къайдадик!

28-апрелдиз, умуми республикадин воскресникдин къулара аваз, Докъузпара райондин вири хуьрера Ватандин ЧIехи дяведин къагъриманриз хкажнавай гуьмбетар, абурухъ галай

территорияр аваданламиш авуна. И мярекатдин къулара зегъметдин пай кутазвайбуру къегъал аскерар кучуднавай чкайрин, дяведин вакъийриз талукъ дараматар, скульптурадин нехишар арадал

хкунин «РикIел хуьдай вахта» акциядин тереф хуьза.

«Докъузпара район» МР-дин Къил Абдурагъим Алискерова чи



райондин «Гъалибвили паркунин» гьал ва паркунин миxъивин дережа ахтармишна. Авай кимивилерикай ада талукъ ксариз лагъана, абур 9-

майдалди арадай ахкъудун истемишна.

Шагъбала ШАГЪБАЛАЕВ



Дагъустандин Къил Владимир Васильева гьар йисуз Халкъдин Собранидиз ракъурзавай Чарче Гьукуматдин вилик сад лагъай дережадин набутрин, абурун хизанрин, набут инсанрин яшайишдин шартлар хъсанарун патал месэляяр эцигна.

Ада 2018-йисан налукурин къазанжияр гъа мурад къилиз акъудун патал серф авун патал лагъана. Ам гьикI къилиз акъудзаватла, тади гьалда къиле тухвай совещанида хабар гана:

-А пилотный проектдиз гьелелиг чи уьлкведа тай авач, - кьейдна региондин кабминдин сад лагъай вице-премьер

## Набутбур яшайишдин кIвалералди таъминардай проект арадал гъанва

Гъажимегъамед Гьуьсейнова.

Ада рикел хкана, 2006-йисуз Дагъустанда региондин закон къабулна. Ада набут инсанар яшайишдин кIвалералди таъминардай кьурулуш къалурнавай. Пуларин эксиквал себеб яз, адавай кIвалахиз хъанач. Анжах алатай йисан налукар кIватIунин нетижади уьмуьр дегишарзавай тереф къалурна. Набут ксар яшайишдин кIвалералди таъминардай шартлар арадал гъиз жезва. Амни къезилвилер арадал гъунилай аслу жезва. 10 йисуз яшайишдин кIвалер ихтиярда вахгуз жезда. Абур къачуз кIанзавайбуру гьар вацра 10 агъзур манат эцигзава, амай такъатар республикадин



бюджетдай эцигзава. И кардиз къуват яз Дагъустандин парламентдин эхиримжи сессиядал закон къабулна: ана къалурнавай субсидийрин къадар 300 миллион манат я. Проектда къалурнавайвал,

алай йисуз 200 хизан яшайишдин кIвалерин иесияр жезда. Гъажимегъамед Гьуьсейнова хабар гана, тарихдиз хьфидай йисуз набутбуруз гудай пулар (ипотекадай) агалнава. Идан себеб кесиб хизанриз, чеб авай гьалариз килигна, приоритет гьабуров вахгузва.

Къейд авун лазим я, Махачкъалада кIвал къуна яшамаш хьун 15 агъзур манатдай ацукъзава. Гъавилай ипотека къуна 10 йисуз, гьар вацра 10 агъзур манат гун – хийирлу я. Гъа са вахтунда къачунвай кIвалер адан хсусиятни жезва.

Шагъбала ШАГЪБАЛАЕВ

## Набутбурухъ гелкъуьнай пулар хкажнава

18 йис тамам жедалди яшда авай набут аялрихъ ва аял вахтунилай сад лагъай дестедин набут аялрихъ гелкъуьнай 1-июлдилай гузвай пулдин къадар саки кьве сеферда хкажзава – адан къадар 10000

манатдив агакъда.

2019-йисан 1-лагъай июлдилай РФ-дин Президентдин 2019-йисан 7-мартдин ва дегишвилер куктунвай 2013-йисан №175 Указ къуватда гьатда. Адан бинедаллаз гьар вацран

пулдин къадар набут аялар хиве къунвайбурувай, абуроз килигзавайбурувай къачуз жезда. И





къайлада, чеб кваллах авуниз къабил ятлани, карда къилихъ къейднавай набут инсанриз къуллугъ ийиз хъайитла, абурувайни гъа къадардин пул къачувиз жеда.

**Къейд:** Къенин йикъалди адан къадар 5500 манат тир. Набут

аялрихъ ва аял чвалалай сад лагъай дестедин набутар тир аялрихъ гелкъвезвайбуруз 1 агъзурни 200 манат гузва. И шартI патал Пенсионный фондуниз арза къхена кIанда. Адахъ са чкадани кIвалахзавач лагъана, ганвай

справкани хъун лазим я. Пул гузвай къайда страховой туш, амма ам набутрихъ гелкъуьнай стаждиз физва. Гъа са вахтунда гелкъвезвайбуруз йисан къене 1,8 балл (пенсиядин рекъяй) гузва. Стаждин къадардиз килигна (баллар гъисаба къурла) ПФР-да пенсия тайинардайла, адаз махсус л/с - дай куьмек гуда. Эгер набут аялдрихъ гелкъвезвай касди кIвалахал акъваздай къаст авунватIа ва я тахъайтIа, ам агъалияр кIвалахдал желбдай центра акъвазнаватIа, адаз вилик кумаз вад йикъан къене Пенсионный фондуниз атун теклифзава. И дуьшуьшда адаз набут аялдрихъ гелкъведайвилини пул хгузвач, ахпа ада кIвалахдин гъакъи къачуда.

Шагъбала ШАГЪБАЛАЕВ


ЮБИЛЕЙ

## «Теселливал жагъида ваз...»

(Шаир ва публицист Нариман Къарибован – 80 йис)

Къурушрин мулкар, и ажайиб мескен, Европада виридалайни къакъан хуър – гзаф къадарда машгур инсанралди девлетлу я: алмиралди, шаирралди, писателралди...

Iцинин йисан 9-мартдиз вичин 80 йисан юбилей къейд авур лезги шаир, публицист Нариман Алибегович Къарибован тIвар Лезгистандин гъар са агъалидиз таниш я. Чи милли газетриз акъатзавай тIал алай, важиблу месэлайрин макъалайрилай гъейри, ам алай девирдикайни уьлкведи гъаларикай, ватандикайни яшайишдикай, муьгъуббатдикайни тIебиатдикай къхенвай шииррин кIватIалрини лезгийриз машгур авунва. Къилди къачуртIа, адан къелемдикай «Аманат», «Зи ачух рикI», «Югъ нисинлай алатайла», «Хайи чилин чимивал», «Дурнайрин мани», «75-гатфар»,



«Чахъ авай сад» ктабар хкатнава.

Нариман Къарибов 1939-йисан 9-мартдиз Докъузпара райондин Къуруш хуьре диледиз хъана. Мектеб куьтягъайдалай къулухъ Советрин Яракълу къушунрин жергеда къуллугъна. Азербайжандин университет

акъалтIарайдалай къулухъ Iцини Къурушрин хуьруьн «Зегъметдин пайдах» газетда – журналиствиле, хуьруьн радиода редакторвиле кIвалахна. Алакьунар авай журналистди гъуьгъуьнлай Хасавюрт, Избербаш ва Дербент шегъерра газетрин редакцияранни кIвалах давамарна. 1990-йисарилай пенсиядиз экъечIдалди ада Дербент шегъерда «Лезги газетдин» хсуси мухбирвална.

Медениятдин хиле къазанмишнавай агалкъунриз килигна, адан зегъмет «РД-дин медениятдин лайихлу къуллугъчи» лагъай гъуьрметдин тIварцIелди къейдна.

Адан шииратдикай, къилдин са алемдикай хъиз, гегъеншдиз рахаз жеда. КIелчидин рикI аладардай, адаз



насигьатни теселли гудай, ахлакьдинни эдебдин чешне къалурдай къетенвилер хас я шаирдин эсерриз. Гьа ибур, заз чиз, халисан шииратдиз талукь терефрикай я. Ада вичин са шиирда хьсан лагьанва: **«Теселливал жагьида ваз, Везиндай зи манидин...»**.

Алай вахтунда къурушви шаир Дербент шегьерда яшамиш жезва. Къелемдин хчивал квадарзава: адан шиирарни макъалаяр «Лезги

газетдиз» мукьвал-мукьвал акъатзава.

2010-йисуз чапдай акъатнавай «Хайи чилин чимивал» ктаб «Кирбитдин эхиримжи кьал» шиирдилай башламиш жезва:

**«Кирбитдин эхиримжи кьал  
Канач, мекъиз амукьна зи кьвал.  
Къана кьвачер, къана гьилер,  
Накъварив ацлана вилер.  
Амукьна зун ийир-тийир,  
Къутьягъиз тахьана шиир...»**.

Къуй шаирдин кьвал – къени, къул чими хьурай! «Кирбитдин кьал» эхиримжиди тахьурай. Чаз Нариман Алибегович Къарибовахь чандин сагъвал, яратмишунра мадни агалкъунар хьана кьанзава. Умудлу я, лезги эдебиятда адан къелемдикай хкатнавай цийи-цийи шиирар, поэмаяр мадни пайда жедя.

Куругъли КЪАЛАЖУХВИ

## МЕСЯЧНЫЙ ОТЧЕТ ОБ ИСПОЛНЕНИИ СМЕТЫ РАСХОДОВ

С/П Микрах на 1 апреля 2019 г.

### РАСХОДЫ

Наименование организации	Гл.	р/н	ц/с	в/р	Статья эк.кл.	Ассигнования на отчетный период	Кассовые расходы с начала года	Остаток на конец
1	2	3	4	5	6	7	8	
			суд-			81957,05		
			Субв.-			757333		
гу	001	010488	30020000			1577000	218699	
				121	211	1000000	164111	
				129	213	305000	44922	
				244	221	27000	7008	
				244	223	60000	2658	
				244	225	105000		
				244	226	20000		
				244	290	20000		
				244	310			
				244	340	40000		
вус	001	020399	80051180			82000		
				121	211	62800		
				129	213	19200		
контракт	001	050599	90005000				184653	
				244	111	870000	141822	
				244	119		42831	
культ	001	140326	10160020	540	250	897000	128013	
рез.фонд	001	040915	30020760	244	225	100000		
						3526000	531365	

### СВЕДЕНИЯ О ДВИЖЕНИИ СРЕДСТВ, НАХОДЯЩИХСЯ НА ТЕКУЩИХ БЮДЖЕТНЫХ СЧЕТАХ

Наименование текущего бюджетного счета	Код строки	Остаток на начало года	Поступило с начала года	Кассовый расход за отчетный месяц	Остаток на конец отчетного года
7	8	9	10	11	12
Текущий бюджетный счет на расходы учреждения		15389,76	840290,05	531365,00	324314,81

Т.М.БАБАЕВ, Руководитель

М.П.ПИРАЛИЕВ, Главный бухгалтер

3-май – Виридуьньядин басмадин азадвиллин югь

## Ачух гьакьикъатдин тереп хуьзва



Виридуьньядин басмадин азадвиллин югь 1993-йисалай эгечІна Генеральный Ассамблеядин 48/432 кьарардалди гьар йисуз кьиле тухузва. РикІел хкин, 1991-йисуз Генеральный Ассамблеядин конференциядал ЮНЕСКО-ди «Дуьньядин сергьятра басмадин азадвал таъминарун» чарасуз шартІ тирдакай, ам демократический жемьатдин компонент тирдакай лагьана. Гьа икІ, 3-май-Виридуьньядин басмадин азадвиллин югь яз кьейднава.

1991-йисуз (3-май) Намибидин меркезда Африкадин аслу тушир уьлквейри «Виндхукдин декларация» кьабулна. Ада дуьньядин вири уьлквейриз прессадин азадвал хуьниз эвер ганвай. «Азад, гьар садавай вичин фикирар ва зендер лугьуз жедай аслу тушир пресса демократиядин уьлкведин ярж я, - лагьана кьейдна.

1993-йисуз ООН-дин Генеральный Ассамблеяди 3-май Виридуьньядин басмадин азадвиллин югь яз тайинардай кьарар акъудна. Сувар тешкилуниин Мурад 1986-йисуз телеф хьайи Колумбиядин журналист Гильермо Канодиз Виридуьньядин ЮНЕСКО-дин премия гунихъ галаз алакьалу хьана. И тешкиарнавай жуьредин премия 1997-йисалай кьилди яратмишунрин рехъ кьунвай, тешкилатриз идарайриз гузва. А юкьуз чпин пешекарвиллин буржи

тамамардайла, кьурбандар хьайи журналитар рикІел хкизва.

Массовый комуникациядин ва хабаррин такьатри гьар са обществада гьуьжетрин кьил арадал гьизва. Абурун месэлаяр гьавилияй важиблу я кьван, гьикІ лагьайтІа, абур я дуьз, я кирс тегьерда гьар са инсандин уьмуьрдиз талукь я. Экуь чешнедай яз гьисабиз жеда: экономикадиз, тІебиат хуьниз талукь месэлаяр. Амма русвагьивал винел акъудзавайбур акІ туш.

Алай вахтунда цензура алудуникди, журналистриз сергьятрин гегьеншвал хьанва. ИкІ ятІани административно-командный кьурулушда эцигнавай шартІарилай элячІиз жезвач. Виридуьньядин басмадин азадвиллин югь вичин жуьреда гьукумдарриз журналистрин мажбур-намаяр хуьн патал эвер гун хьиз я.

Чна рикІин сидкьийдай массовый информациядин такьатрин вири работникар Виридуьньядин басмадин азадвиллин йикьан сувариз тебрикзава. Кьуй Куь кьелемдикай датІана адалутлувилиз, ачух гьакьикъатдиз кьуллугьзавай хци макьалаяр хкатрай!

Шагьбала ШАГЬБАЛАЕВ

**Скорая помощь ЦРБ Докузпаринского района**

тел. 8 928 059 84 90, 8 989 868 03 00

### «ГОЛОС ЭРЕНЛАРА»

2001-йисан  
ноябрдилай акъатзава

**Тешкилайди:**

Докузпара райондин  
администрация,  
Дагьустан Республика

**Учредитель:**

Администрация Докузпаринского  
района, Республика Дагестан

**Кьилин редактор:**

А. Э. ЭМИРСУЛТАНОВ

**Жавабдар секретарь:**

В. С. АГЬАМУРАДОВ

**Хуси корреспондент:**

Ш. О. ШАГЬБАЛАЕВ

**Корректор:**

Ш. О. ШАГЬБАЛАЕВ

**Верстка авурди:**

Э. А. КАРИБОВ

**Газетдин индексар:**

Зур йисан кьимет - 216 м.

Йисан кьимет - 432 м.

Чандиз вахкай вахт: 14:00

Чапзавай вахт - 17:00

Тираж 480

*Редакциядинни макьалайрин авторрин фикирар сад тахьун мумкин я. Макьалайрин делилрин дуьзвилиин патакьай жаваб авторри чни гуда. Макьалайриз рецензия гуьзвач ва абур элкьвена вахкузвач. Мадни, чпин макьалайра дегисвилер тунал, кьилер дегисарунал рази тушир мухбиривай чна абур редакциядиз ракьур тавун тІалабзава.*

*Газета зарегистрирована  
Управлением Федеральной  
службы по надзору в сфере связи,  
информационных технологий и  
массовых коммуникаций по  
Республике Дагестан*

Регистрационный  
номер ПИ №ТУ5 - 00256  
от 14 июня 2013 г.

Редакциядин,  
издательстводин ва  
типографиядин адрес:

368750, Докузпара  
район, Усугьчай хуьр,  
тел.+7 (8722) 55-14-61  
e-mail:  
golos-erenlara@mail.ru  
Чи сайт: www.erenlar.ru